

RINGGIT

↑ KUALA LUMPUR (Indeks Komposit) (+0.63) mata 1,453.92	↓ SINGAPURA (Straits Times) (-16.94) mata 3,094.81	↑ TOKYO Nikkei (+173.70) mata 33,625.53	↑ NEW YORK Dow Jones (+117.12) mata 35,390.15
---	---	--	--

**SIJIL HALAL
UBAH PERSEPSI
PENGGUNA
TERHADAP
KESUCIAN
PRODUK**
»23



PENGURUSAN HARTA PUSAKA MASIH DI TAHAP RENDAH

Oleh **ZAKKINA WATI**
AHMAD TARMIZI
zakkina.tarmizi@mediamula.com.my

PENGURUSAN harta pusaka sering menjadi isu sensitif terhadap masyarakat terutama melibatkan masa, wang ringgit dan tenaga.

Ta susulan proses tuntutan harta pusaka mengambil masa yang lama bagi mereka yang tidak membuat wasiat semasa hidup. Jadi, proses yang perlu dilalui agak panjang bagi membolehkan harta pusaka dapat dibahagikan secara adil dan mengikut faraid.

Harta pusaka ialah harta pen-

inggalan si mati yang mengandungi harta alih dan harta tak alih. Harta seperti wang tunai, syer, caruman KWSP, wang imbuhan insurans, kenderaan, perabot rumah, pakaian dan sebagainya dipanggil harta alih.

Harta seperti tanah serta kepentingan atas tanah tersebut, rumah, lombong, sawah, telaga dan tasik pula disebut sebagai harta tak alih.

Walaupun pelbagai promosi diadakan secara fizikal mahupun secara dalam talian, masih ramai yang tidak mengambil tahu atau sedar mengenai pentingnya melaksanakan perancangan pusaka supaya harta yang kita kumpul semasa hidup dapat diwariskan

kepada individu yang layak menerimanya.

Bagaimanapun, perkara itu akan dipandang serius apabila terdapat dalam kalangan ahli keluarga yang menjadi sumber pendapatan utama, meninggal dunia secara mengejut sehingga menyukarkan pembahagian harta kepada waris.

Justeru, pengurusan dan perancangan harta pusaka perlu dibuat lebih awal atau ketika muda dan masih sihat bagi memastikan pembahagian harta dapat diberikan dengan sempurna.

Amanah Raya Berhad (Amanah Raya) menjelaskan, tahap kesedaran yang masih rendah dalam melakukan perancangan

PENGURUSAN DAN PERANCANGAN HARTA PUSAKA PERLU DIBUAT LEBIH AWAL ATAU KETIKA MUDA DAN MASIH SIHAT BAGI MEMASTIKAN PEMBAHAGIAN HARTA DAPAT DIBERIKAN DENGAN SEMPURNA.

terhadap aset atau harta yang bakal diwariskan kepada generasi akan datang antara faktor penyebab urusan pindah milik mengalami kesukaran.

Pengarah Urusan Kumpulan Amanah Raya, Ahmad Fezal Sulaiman Khan berkata, peraturan yang agak rendah berikutan kurang kesedaran terdapat isu ini:

"Pihak Amanah Raya dalam proses untuk meningkatkan lagi kesedaran dan aktiviti harus diteruskan. Berkemungkinan aktiviti (promosi) perlu lebih menyeluruh lagi agar masyarakat lebih peka.